

Guangjsih Minzcuz Bau

ganbbau: CN45-0036 B.2015 Nd.3 Ng.11 liggaueq ietfeih nienz ndwencieng ngeih 'i

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3164期

Daengx Guek Yinzda Daibyauij Bouxcuengh Ok Genyi Hawj Gih Raeuz Dieg Minzcuz Bae Cienzmienh Guhbaenz Siujgangh Sevei

壮族全国人大代表为我区民族地区全面建成小康社会建言

3 nyied 5 daengz 6 hauh, doenghboux daibyauij camgya "song hoih" de saemjlnh cwngefuj gungh-coz baugau. Gicej bae daengz doenghgij daibyauijdonz daibyauij swngj(gih) minzcuz nem dieg cungqgyang nem baihsae guek raeuz, cam gyoengqde ndawsim baenzlawz naemjngeix. Guek raeuz daengz 2020 nienz aeu cienzmienh guhbaenz siujgangh sevei, yae saedyienh aen muzbyauh neix, mbouj yungh gangj cungj rox dieg saujsu minzcuz dwg giz doeklaeng, giz hojguh nem giz

youqgaenj. Baenzlawz caeuq daengx guek caemhyamq cienzmienh guhbaenz siujgangh sevei, neix dwg gienh saeh gyoengq saujsu minzcuz daibyauij cungj ngeixlwnh.

Daengx guek yinzda daibyauij Bouxcuengh, Swcigih Minzveij cujyin Luz Yenbenj daez genyi, aeu doenggvaq fuzbinz hanghmoeg, cienzngeanz, cwngecwz daengj fuengmienh gyarengz bangcoengh Gvangjsih guh hong fuzbinz; aeu dawz gij vwnzgen nem cwngecwz gvendaengz Cunghyangh Minzcuz Gunghcoz de

dingh ndaej engqgya sijsaeq, hengzguh engqgya mizrengz, beijingangj swnghdai boujdiep, hawj mizdi yienh(si) ndaej gemjnoix cienzngeanz boiqdaug guh gij hanghmoeg guekgya roengzienz de; bangcoengh Gvangjsih laebguh aen gih hung minzcuz vwnzva, laeb Bouxcuengh, Mauznanzcuz, Mulaujcuz, Ginghcuz daengj haj aen guekgya gaep minzcuz bozvuzgvanj, laeb buek guekgya gaep minzcuz vwnzva henhoj nem swnj-cienz gihdi ndeu.

(Niu Cinanz/牛志男)

SIUSIK DINJ

简讯

● Geij ngoenz gonq, Yungzsuij Myauzcuz Swciyen bien ndei "go minzcuz", gungh sou 《Yungzsuij Gyaundeij》、《Feiz Youq Diegbya Myauzcuz》、《Dahsau Dajbaengz》daengj 20 souj, gij go neix baugvat guhdoengz, gingqlaeuj, couxhek daengj neiyungz miz daegsaek bonjdieg, neix doiq swnj-cienz fazcanj yinhyoz Myauzcuz gig miz yiyi.

(Siz Gveiz)

● Bi' gvaq, Bingzgoj Yen gungh dingh ndei gij hanghmoeg cunh gaep it saeh it yaeng hawj vnzlai souh'ik de 323 aen, hawj 27.4 fanh vnz souh'ik, gungh roengz 2817.8 fanh maenz. Neix hawj vnz saujsu minzcuz ndaej gig lai dwk gajjndei swnghecanj swngghoz diuzgen, hawj gyoengqde gvaq ndaej lai ndei.

(Vuz Anhginh)

● Geij ngoenz gonq, Gunghcwnz Yauzcuz Swciyen hai cauhibnvei, nda hong hawj vnzhang lajmbanj. Miz 30 lai aen gizez daeuj aeu vnzhang. Yienhciegz miz doenghboux gunghcoz yinzyenz fat gak cungj senhconz swlhliu 4000 lai faenh, daezhawj 2000 lai aen gangjvei, gij hong de gvendaengz 30 lai aen hangznieb.

(Moz Yaujsenz)

● Bi' gvaq, Yungzanh Yen doenggvaq fazcanj dajndaem dajciengx gij canjyez miz daegsaek youh gauhyau de, hawj dieg cizdij gyalai gyaciz nem soundaej, bangcoengh nungz-minz laisou, daengx yienh nungzminz moix bous cinghsouhaeuj 8365 maenz, doengz-beij gyalai 13%. Aen yienh neix nungzminz cinghsouhaeuj daihit baez mauhgvaq 8000 maenz.

(Veiz Cujswz)

● Bi' gvaq, Lozcwnz Mulaujcuz Swciyen gungh bangcoengh 65968 vnzbaez, bangcoengh 1839.59 fanh maenz. Laemzseiz bangcoengh 378 vnz 12 fanh maenz, coengh gyoengqvunz gungzhoj ndaej onjsim gvaq saedceij.

(Veiz Yizdai)

Ndangdaenj Bouxcuengh "Cang" Daengx Guek "Song Hoih" Engq Ndeiyawj



壮族服饰成全国 两会上靓丽风景线

3 nyied 5 hauh, youq gwnz gvangjcangz bairog Yinzminz Daveidanz de, doenghboux "song hoih" fuzvuyenz daj Gvangjsih daeuj de gyauej daenj mauh Bouxcuengh, neix baenz le gwnz gvangjcangz cungj funghgingj gig ndeiyawj ndeu.

(Muj Gyahliang/母家亮 ingj)

Daengx Guek Cwnghiez Daihcibngeih Gaiq Daihsam Baez Veiyyi Youq Baekging Hai

全国政协十二届三次会议在京召开

3 nyied 3 hauh lajbyonghngoenz, Daengx Guek Cwnghiez Daihcibngeih Gaiq Daihsam Baez Veiyyi youq Yinzminz Daveidanz ciuhai.

Ngoenzde, doenghboux lingjdauij dangj nem guekgya Siz Ginbingz, Lij Gwzgyangz, Cangh Dwzgyangh, Liuz Yinzsanh, Vangz Gizsanh, Cangh Gauhli daengj naengh gwnz cujsizdaiz, hoh baez daihhoih neix ciuhai. Yiz Cwnghswnggh daibyauij cwnghiez daihcibngeih gaiq daengx guek veijyenzei

cangzvu veijyenzei, youq gwnz hoih guh gunghcoz baugau.

Daengx Guek Cwnghiez fucujisiz Ciz Gicinh gangj le gij cingzgvang gvendaengz hong daezanq daj cwnghiez daihcibngeih gaiq daihngieih baez veiyyi daeuj. Bi ndeu gvaqdauij, cwnghiez gungh gyau daezanq 6101 gienh, ndawde, daihhoih daezanq 5875 gienh, bingzseiz daezanq 226 gienh. Ginggvaq saemjcaz, laeb'anq 5052 gienh. Gyonj daeuj gangj, gij daezanq

neix neiyungz lai, cungdenj yienhda, vwndiz gangj ndaej cingcuj, daejyienh le doenghboux cwnghiez veijyenzei, cwnghiez gak camgya danhvei gig rox rapdawz cwzyin naek, rox sijming youqgaenj. Daengz 2 nyied 20 hauh, gaengq banh nem handap sat daezanq 5046 gienh, beijlaeh dabdaengz 99.8%.

Baez hoih neix gungh hai 10 ngoenz, 2100 lai bous cwnghiez veijyenzei camgya.

(ciuq Sinhvasze)